



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **De Conivgio Doctrina**

**Wigand, Johann**

**Jhenæ**

**VD16 W 2745**

Honesto Viro, Virtvte Praestanti, Hinrico Schroder, Generoso suo  
Charissimo.

**urn:nbn:de:hbz:466:1-36207**

HONESTO  
VIRO, VIRTUTE PRAE-  
STANTI, HENRICO  
Schroder, Generoso  
suo Charis-  
simo.

G. & P. per Christum.

**H**ominem ex hominē  
nasci, ingens Dei mira-  
culum est, licet, quia  
quotidiē ob oculos ho-  
minum versatur, a prophanis pecto-  
ribus parū obseruetur & expendat-  
ur. Nam tali pacto Deus sapientissi-  
mus, sibi voluit multos cultores ho-  
mines procreare, a quibus in hac, &  
in aeterna vita cognoscatur & cele-  
bretur. Imò licet Natura humana, per  
hunc primorum hominum, horri-  
biliter sit corrupta, & perdita, tamen  
conseruat Deus ex immenso erga ho-  
mines

A 2

mines amore, propagationem hominum à se ordinatam, & passione filij sui dilectissimi, fontem salutis hominibus aperire voluit, quo regenerarentur, nouæq; creaturæ fierent, in hac etiam vita, nouam erga Deum obedientiam inchoantes, promisit quoq; Deus in resurrectione ex mortuis, integram Naturæ humanæ restitutionem, & collocationem in æternam gloriam & vitam, eorum scilicet, qui credunt in Christum.

Meritò igitur Coniugium legitimum, ex quo nascuntur homines in hunc mundum, maximi faciendum est, & vera de eo doctrina, diligenter conseruanda, & ad posteritatem transmittenda est. Nam perpetua mundi, post lapsum in Paradiso factum, historia restatur: Vbiunq; falsa Religio viget, aut viget, quod ibi non magni facta sit aut fiat honestum Coniugium, & multis modis deformatum sit, ac deformetur etiamnum q. d. verò efficit Satan, hostis Dei & omnium

omnium  
mus. Se  
sum esse  
qui & ex  
contriuit  
mines n  
cultores T  
rumq; ip  
potest vir  
polluere a  
Equ  
stantur, c  
hominum  
minæ, S  
tum. Na  
bitus, pe  
sunt, sicut  
bertini A  
tsperpet  
ergo, item  
matronæ  
tradita su  
pe, aut à  
litas verò  
pudiand

omnium operum ipsius immanissimus. Scit enim, ex foemina promissum esse Conculcatorem capitis sui, qui & exhibitus est, & caput ipsius contriuit. Scit quoque, ex Coniugio homines nasci, qui per regenerationem cultores Dei, & hostes Diaboli operumque ipsius fiunt. Quantis igitur potest viribus, Coniugium sanctum polluere ac dedecorare nititur.

Equidem gentiles historiae testantur, quantopere, Religione falsa hominum mentibus fascinatis, foeminae, & Coniugium sit conspurcatum. Nam alicubi promiscui concubitus, perinde ut canum, tolerati sunt, sicut etiam nostro tempore Libertini Anabaptistae, easdem foeditates perpetrarunt. Alicubi Religionis ergo, item certis festis, prostituta sunt matronae. Alicubi sponsae, non prius traditae sunt sponis, nisi vel a principe, aut a sacerdotae defloratae. Pluralitas vero coniugum, & temeritas repudiandi, & iterum acceptandi, quas

A 3 velint,

velint, apud plerastq̄ gentes consue-  
tudinem obtinuit.

In regno Antichristi, cum muta-  
ta Religione, etiam lex ista Dæmo-  
niorū, vt vocat Apostolus i. Timoth.  
4. surrexit, vt honestum Coniugium  
omnibus Ecclesiasticis, vt vocantur,  
personis sit interdictum, etiam sub  
pæna grauissimi supplicij. Hinc &  
illa secuta sunt: Coniugium esse vitæ  
genus, valde pollutum, & in quo dis-  
ficile sit Deo seruire, & vitam æter-  
nam consequi. Votum vero castita-  
tis, esse statum perfectionis, propter  
quod, etiam inita Coniugia possint  
dirimi. Secutum & hoc est, quod for-  
nicationibus tetrīs, tum clandestinis,  
tum manifestis, domus clericorum  
omnium, & multæ laicorum domus,  
sint sceleratè & nequiter pollutæ. O-  
cium enim, Bacchus, & Ceres, Dī  
tutelares eorum, qui in Regno Anti-  
christi, sine certo atq̄ illustri conti-  
nentiæ dono præditi, votum perpo-  
siti castitatis vouerunt, extiterunt, &  
quæ

sunt adhuc hodie. Furor autem pro-  
fer Diabolicus est, ista, contra tam  
manifestam experientiam, quæ pas-  
sim oculis adhuc exposita est, inficia-  
tis, aut fucis obscurare velle.

Vbicunq; autem vera Dei do-  
ctrina efflorescit, aut regnat, ibi Con-  
iugium honestum, locum dignitatis  
suar & Encomia iusta recuperat ac  
tenet.

Sic hoc postremo mundi tem-  
pore, verbo Dei ex Antichristi tene-  
bris, magno magni Dei beneficio  
iterum eruto, & in candelabrum a-  
pertum atq; excelsum collocato, cœ-  
pit quoq; hæc doctrina de Coniugio  
crescere & afflorescere, quod Con-  
iugium sit vitæ status Deo placens,  
& quod p̄ij Coniuges, operas vocati-  
onis suæ facientes, multo magis Deo  
seruire, & gratiora opera præstare  
possint, quam Monachi aut Nonnæ.  
Ratio euidens est. Quia opera in  
Coniugio, sunt a Deo mandata. Mo-  
nachorum vero vita, & cultus, non  
A 4 habent

habent præceptum Dei. Imò perti-  
nent ad eam Christi sententiam; Fru-  
stra colunt me mandatis hominum,  
Nam Monachatus & opera ipsorum,  
sunt tantum traditiones humane, nã  
mírur regulæ Benedictinæ, Francis-  
canæ, & similes. Imo votum Mona-  
chorum, quo abiurant Coniugium,  
est Dæmoniacum, Parent enim legi  
Dæmoniorum, contra præmonitio-  
nem S. Pauli 1. Timoth. 4.

Extant autem multi libri, præ-  
clare de Coniugio scripti. Sed homi-  
nes sunt ignavi, & torpore detestan-  
do, sinunt pontificiorum calumnijs,  
sanctissimum vitæ humanæ statum  
exhibilari & deturpari. Itaq; necesse  
est Ecclesiæ Christi Doctores, hanc  
etiam doctrinæ partem repetere atq;  
inculcare.

Volui igitur tandem hunc qua-  
lemcunq; tractatum de Coniugio,  
ante aliquot annos conscriptum, &  
sæpius a me efflagitatum, in lucem æ-  
dere, tantum eo fine, vt memoria re-  
peterem

poterem ea, quæ sacris literis sunt tra-  
sita & celebrata, & quantum qui-  
dem in hac mea tenuitate possem, sin-  
ceram de Coniugio doctrinam, ad  
posteritatem propagarem.

Nihil autem attinet, de libello  
prolixè dicere. Legant & iudicent  
cum pij homines in nomine Domi-  
ni. Tantum enim fundamentis sacra-  
rum literarum nitor, & ea quæ cum  
hisce fundamentis pugnant, liberè  
reicienda esse censui. Conatus etiam  
sum planè, & quam simplicissimè,  
res istius doctrinæ ob oculos ponere,  
quæ quidem ratio si aliquibus vides-  
tur tenuior, per me non impediun-  
tur, vt ipsi sectentur declamatorias &  
vberiores explicationes. Mihi qui-  
dem ista docendi ratio, videtur esse  
commodissima. Verissimum enim  
est, Rem per causas cognosci. Insuper  
non ego in nubibus gradientes du-  
co, sed qui mecum in terra ambula-  
re, vel etiam reptare cupiunt, erudio,  
vel commonefacio. Altigrados alta  
A s delectant,



delectant, humilia humiles. Sed do-  
na variant, variant & ingenia. Vti  
nam vero omnes vna mente, puram  
veritatem expetant, & sequantur.

Tibi vero mi charissime fili,  
hoc opusculum publicè dedicare atq;  
inscribere volui, non tantum, vt te in  
doctrina de Coniugio confirmarem,  
quia alias diligenter in lectione sa-  
crorum librorum, & aliorum auto-  
rum versaris, sed omnium maximè,  
vt meam erga te benevolentiam de-  
clararem, & aliquod memoriale tibi  
relinquerem. Tuum erit mi fili, pie-  
tatem veram serio colere, scientiam  
rerum, & prudentiam, bonorum au-  
torum studiosa euolutione quotidie  
augere, & pijs precationibus Deum  
colere, & in reliqua vita, morum ho-  
nestate, & pia Oeconomix admini-  
stratione, te tuosq; ornare. Bene in  
Christo vale. Liebmoht in Prussia,  
die Matthiæ, Anno Domini 1578.

Johannes VVigandus  
Episcopus Pomezaniensis

Di